

UNIVERSITI TUN HUSSEIN ONN MALAYSIA

UTHM/PP/100-6/3 (56)

10 Oktober 2008

PEKELILING PENGURUSAN BIL.56/2008

**PELAKSANAAN PELANTIKAN TERUS KE JAWATAN PENSYARAH KANAN
GRED DS51 DAN KENAIKAN PANGKAT SECARA TERUS PENSYARAH
GRED DS45 KE JAWATAN PENSYARAH KANAN GRED DS52
BAGI CALON-CALON YANG MEMILIKI Ph.D**

Pekeliling Pengurusan ini bertujuan melaksanakan keputusan Lembaga Pengarah Universiti untuk pelantikan terus ke jawatan Pensyarah Kanan Gred DS51 dan kenaikan pangkat secara terus Pensyarah Gred DS45 ke jawatan Pensyarah Kanan Gred DS52 bagi calon-calon yang memiliki Ph.D di Universiti Tun Hussein Onn Malaysia (UTHM).

2. *Kementerian Pengajian Tinggi Malaysia telah meminta supaya IPTA mempercepatkan proses kenaikan pangkat bagi Pensyarah-Pensyarah Gred DS45 yang memiliki Ph.D ke Gred DS52 selepas tempoh satu tahun pelantikan dan memenuhi syarat-syarat kenaikan pangkat yang ditetapkan dalam skim perkhidmatan Pensyarah Universiti serta memenuhi kriteria kecemerlangan akademik sepatutnya yang telah ditetapkan oleh universiti. Saranan ini adalah untuk menjadikan kerjaya Pensyarah Universiti lebih menarik dan akan dapat meningkatkan bilangan calon-calon berkeelayakan Ph.D bagi mengisi kekosongan jawatan staf akademik serta membantu Kementerian Pengajian Tinggi Malaysia mencapai sasaran yang mana 60% Pensyarah Universiti di IPTA berkelulusan Ph.D pada tahun 2010.*

3. *Mesyuarat Naib-Naib Canselor bersama Ketua Setiausaha Negara mengambil maklum bahawa dasar pelantikan baru pemegang Ph.D terus ke Gred DS51 telah diterima pakai. Namun perkara ini telah membawa kesan anomali kepada Pensyarah di Gred DS45 yang memiliki Ph.D. Mesyuarat tersebut dimaklumkan bahawa perkara ini adalah dalam tindakan Jabatan*

Perkhidmatan Awam (JPA) dan satu pekeliling baru akan dikeluarkan oleh JPA berhubung perkara ini.

4. *Lembaga Pengarah Universiti melalui mesyuarat Bil. 2 / 2008 yang bersidang pada 20 Mei 2008 telah bersetuju meluluskan pelaksanaan pemangkuan jawatan Pensyarah Kanan Gred DS52 untuk Pensyarah Gred DS45 yang mempunyai kelulusan Ph.D.*

5. *Mesyuarat Kriteria Pelantikan / Kenaikan Pangkat Pensyarah dari Gred DS45 ke Gred DS51 / 52 bagi calon yang memiliki Ph.D dan kriteria calon yang memiliki Ph.D ke gred DS51 yang dipengerusikan oleh Pemangku Naib Canselor pada 23 September 2008 telah bersetuju dengan cadangan pelaksanaan pelantikan terus ke jawatan Pensyarah Kanan Gred DS51 dan kenaikan pangkat secara terus Pensyarah Gred DS45 ke jawatan Pensyarah Kanan Gred DS52 bagi calon-calon yang memiliki Ph.D.*

6. *Lembaga Pengarah Universiti melalui mesyuarat Bil. 3/2008 bertarikh 25 September 2008 telah bersetuju meluluskan pelaksanaan pelantikan terus ke jawatan Pensyarah Kanan Gred DS51 dan kenaikan pangkat secara terus Pensyarah Gred DS45 ke jawatan Pensyarah Kanan Gred DS52 bagi calon-calon yang memiliki Ph.D di Universiti Tun Hussein Onn Malaysia (UTHM).*

PELAKSANAAN

Staf Yang Layak Dipertimbangkan

7. *Pensyarah Gred DS45 yang memiliki Ph.D dan telah disahkan dalam perkhidmatan serta telah lulus PTK yang ditetapkan*

- (i) Staf hendaklah memohon untuk dinaikkan pangkat ke jawatan Pensyarah Kanan Gred DS52. Tarikh kenaikan pangkat paling awal yang akan dipertimbangkan ialah pada 1 Februari 2008*

(iaitu sempena tarikh berkuatkuasanya pemurnian Polisi dan Kriteria Kenaikan Pangkat Staf Akademik UTHM yang telah diluluskan dalam Mesyuarat Lembaga Pengarah Universiti Bil. 4 / 2007), atau tarikh staf lulus Ph.D atau lulus PTK yang ditetapkan, mengikut tarikh mana yang terkemudian.

8. *Pensyarah Gred DS45 yang memiliki Ph.D dan telah disahkan dalam perkhidmatan tetapi belum lulus PTK yang ditetapkan*

(i) Staf perlu menduduki dan lulus PTK / PTK Khas yang disediakan oleh Universiti. Staf boleh dinaikkan pangkat ke jawatan Pensyarah Kanan Gred DS52 setelah lulus PTK yang ditetapkan.

(ii) Dalam tempoh sebelum lulus PTK / PTK Khas tersebut, staf boleh memohon untuk memangku jawatan Pensyarah Kanan Gred DS52. Tempoh pemangkuan boleh dipertimbangkan sehingga staf memenuhi syarat untuk dinaikkan pangkat ke jawatan Pensyarah Kanan Gred DS52.

9. *Pensyarah Gred DS45 yang memiliki Ph.D tetapi belum disahkan dalam perkhidmatan dan belum lulus PTK yang ditetapkan*

(i) Staf perlu menghadiri satu kursus khas yang setara dengan Kursus Induksi dan Kursus PTK yang akan diuruskan oleh pihak Universiti seperti yang telah dipersetujui dalam Mesyuarat Ketua Pengarah Jabatan Pengajian Tinggi bersama Pendaftar-Pendaftar IPTA bertarikh 9 September 2008. Staf akan dinaikkan pangkat ke jawatan Pensyarah Gred DS52 setelah satu (1) tahun perkhidmatan dan telah hadir dengan jayanya kursus khas tersebut.

10. Tutor Gred DA41 dan Calon Luar (warganegara) yang memiliki Ph.D

- (i) Tutor Gred DA41 dan calon luar (warganegara) yang memiliki Ph.D akan dilantik terus ke jawatan Pensyarah Kanan Gred DS51. Pelaksanaan pelantikan ini adalah berkuatkuasa mulai 1 Oktober 2008.

Permohonan

11. Kategori staf di para 7, 8 dan 9 kecuali para 10 di atas perlu mengemukakan permohonan ke Pejabat Pendaftar dengan melengkapkan Borang **UTHM.PP/UPP-60/2008 (Borang Permohonan Kenaikan Pangkat Secara Terus Pensyarah Gred DS45 Ke Jawatan Pensyarah Kanan Gred DS52 / Pemangkuan Pensyarah Kanan Gred DS52 Bagi Calon-Calon Yang Memiliki Ph.D)** seperti di **Lampiran A**. Pemohonan hendaklah melalui dan diperakukan oleh Ketua Jabatan.

Laporan Nilai Prestasi Tahunan (LNPT) / Laporan Kerja Kursus (LKK)

12. Laporan Nilai Prestasi Tahunan (LNPT) staf bagi tahun semasa mestilah sekurang-kurangnya 80 peratus atau Laporan Kerja Kursus (LKK) bagi tahun semasa mestilah pada tahap baik.

Penilaian Kenaikan Pangkat Ke Jawatan Profesor Madya Gred DS54 bagi staf yang memiliki Ph.D

13. Bagi staf yang memiliki Ph.D, penilaian kenaikan pangkat ke jawatan Profesor Madya Gred DS54, boleh dikira mulai tarikh staf dilantik ke jawatan Pensyarah Gred DS45 / 51.

14. Bagi staf yang tidak memiliki Ph.D, penilaian kenaikan pangkat ke jawatan Profesor Madya Gred DS54 adalah berdasarkan polisi dan kriteria kenaikan pangkat Universiti sedia ada.

15. Pekeliling Pengurusan ini meliputi staf Universiti Tun Hussein Onn Malaysia berjawatan Pensyarah Gred DS45, Tutor Gred DA41 dan calon-calon jawatan Pensyarah (warganegara) yang memiliki Ijazah Ph.D.


Sekian, terima kasih.

“DENGAN HIKMAH KITA MENEROKA”

Yang benar,

MD NGADIRAN BIN ISMON

b/p : Pendaftar

 7119

- s.k
- Naib Canselor
 - Timbalan Naib Canselor (Akademik & Antarabangsa)
 - Timbalan Naib Canselor (Hal Ehwal Pelajar & Alumni)
 - Dekan-Dekan Fakulti
 - Pengarah Pejabat/Pusat
 - Ketua-Ketua Pejabat/Pusat/Unit